

to più la spesa che l'intrada. Avisa, per non haver auto il modo, tutti i fanti, erano in Monfalcon, sono partiti, restati *solum* 6; et di Civald, di le compagnie di domino Bernardin Orio et domino Mariano, ne è parti numero 14 fanti. Civald importa, però si spazi l'Orio vene di qui con danari; et sopra questo scrive l'importantia è.

Noto. Per Colegio fo expedito eri el dito Orio e datoli . . . paga per dar a li diti fanti; il qual parti per Udene subito.

Poi leto le letere, fu posto per li Consieri, dar uno possesso di uno canonicà di Corfù a Zuan Malpiero clerico brixense, conferitoli per domino Cristoforo Marzello arziepiscopo di Corfù, qual è in questa terra; et balotato do volte fu preso; vol aver da tre in suso in tuto.

Fu posto, per li Consieri, poi leto una letera di sier Francesco Falier podestà di Brexa, dar libertà meter in bando alcuni delinquenti, *ut in litteris*, comesse tal erore quando Brexa non era nostra. El fu presa: 70, 3, 3.

Fu tolto lo scurtinio per Orator in Franza con boletini, et poi balotato rimase sier Antonio Justinian el dotor, qual non è in Pregadi per esser novamente venuto ducha di Candia. Il qual scurtinio è questo qui soto notato.

182 *Electo Orator in Franza.*

Sier Lorenzo Bragadin, fo provedador di comun, qu. sier Francesco . . .	73.109
Sier Vetor Capelo, fo synico e provedador da terra ferma, qu. sier Andrea . . .	45.133
Sier Andrea Mocenigo dotor, è di Pregadi, di sier Lunardo qu. Serenisimo . . .	65.117
Sier Polo Capelo el cavalier, savio dil Consejo, qu. sier Vetor . . .	58.127
Sier Marco Antonio Venier, el dotor, fu provedador di Comun, qu. sier Cristofolo . . .	56.127
Sier Marin Zorzi el dotor, fo ambador a Roma . . .	72.118
Sier Nicolò Tiepolo el dotor, è di Pregadi, qu. sier Francesco . . .	73.115
Sier Anzolo Gabriel qu. sier Silvestro . . .	30.157
Sier Hironimo Polani el dotor, è di Pregadi, qu. sier Giacomo . . .	56.132
† Sier Antonio Justinian el dotor, fo savio dil Consejo . . .	166. 22

Sier Andrea Foscolo, fo savio a terraferma, qu. sier Marco . . .	60.110
Sier Gabriel Moro el cavalier, è di la Zonta, qu. sier Antonio . . .	54.131
(altri dice 74).	
Sier Nicolò da Ponte el dotor, è di Pregadi, di sier Antonio . . .	44.145
Sier Antonio Surian dotor, el cavalier, fo ambador in Hongaria . . .	74.117
Sier Gasparo Contarini qu. sier Alvise . . .	88. 83
Sier Alvise Foscari, fo di Pregadi, qu. sier Nicolò . . .	73.111
Sier Francesco Barbaro, fo provedador al sal, qu. sier Damian qu. sier Zacharia cavalier, procurator . . .	45.139
Sier Piero Lando, fo savio dil Consejo, qu. sier Zuane . . .	51.130
Sier Francesco Contarini, qu. sier Zacharia el cavalier . . .	75. 96

Fo tolto il scurtinio di tre zudexi tra brexani et 138 bergamaschi, et nominati numero 23, non fono ozi balotati.

Fo poi leto una gratia di uno Zuan Chasanelo di Candia, qual portò li falconi in Franza al Christianissimo re, dimanda certo officio in Candia, *ut in parte*, qual suol darsi per quel rezimento il primo vacherà, zoè a l'insida di vini et a li salumi, et sia obligà andar a portar falconi dove piacerà a la Signoria.

El fu poi posto, per li Consieri e Cai di XL, conciederli uno di diti officii in Candia per la richiesta, *ut in parte*. Ave 9 non sincere, 8 di no, 63 di sì. Stridà presa.

Fu posto, per li Consieri e Cai di XL, elezer *de presenti*, per scurtinio di la banca e do man di election, uno exator a l'officio di tre Savii sora i officii e cose dil regno di Cypri per do anni; aver debi tre per 100 di quello scoderà, *videlicet* 1 1/2 di danari de l'offizio et 1 1/2 di danari di la Signoria nostra, *ut in parte*, et si fazi *de presenti*. Fu presa. Ave 2 non sincere, 20 di no, 130 di la parte.

Doveano meter di far *etiam* do exatori a le Raxon nuove in luogo di sier Stefano Viaro e sier Alvise Foscari, che compieno, sicome lezeno la parte di far; ma per brojo li Consieri non vol far in suo loco, e sier Francesco da Canal, Cao di XL, si fa tuor exator, e non li bastò l'animo di meter a l'incontro di far *etiam* questi do.

Fu posto, per li Consieri, Cai di XL, sier Lunardo Mozenigo, sier Polo Capelo el cavalier, sier An-